

82

8-16

910



me up.
me per

ԱՄԵՆ ՊՐԱԿ ԱՇԽԱԴԱՎԱՆ ՊԱՏՄՈՒԹՅԻՒՆ ՄԵ ԿԵ ՊԱՐՈՒՆԱԿԵ



Ն Ա Ր Բ Ի Ն Ք Ե Ր Բ Ը Ը

ԱՄԵՐԻԿԱՑԻ ՀՈՉԱԿԱՆՈՐԳԳԱՂՏՆԻ
ՈՍՏԻԿԱՆԻՆ ՆՈՐԱՐԿԱԾՆԵՐԸ

ԹԱՐԳՄ. Ժ. 2.

ԲԻՒ 6

ԽՈՀՐՃԱԿԻՈՐ ԳՆԴԱԿՆԵՐԸ



Զարագործը, սարուափին ջլատուելով, նստած էր գլխի պայուս
պատճառող անդունդին եզերքը, երբ նաթ Փինքէրթըն, զոր մեռած
կը կարծէր, յանկարծ երեւցաւ իր տաշեւ։

ԽՈՐՀՐԴԱԿՈՐ ԳՆԴԱԿՆԵՐԸ

ԵՐԿՈՒ ԽՈՐՀՐԴԱԿՈՐ ՄԱՀԵՐ

18. տարուան Հոկտեմբերի առառու մը, հարուստ գործարանատէր ձէքըպ Մարշալ, որ կը ընակէր ինկլյուսի ճարտարագործ փոքր քաղաքին մէջ, նիւ Եօրքի հիւսիսակողմը, սովորականէն աւելի կանուխ ելաւ:

— Ի՞նչ կայ, ձէքըպ, հարցուց կինը, անոր վառած կանթեղէն արթնալով և հազության տեսնելուն վրայ զարմանալով: Փամը կը չկայ: Այսչափ կանուխ ելլելու սովորութիւն չունիս:

— Կը փափաքիմ պտոյտ մը ընել, պատասխանեց ձերունի պարոնը:

— Ադ ի՞նչ զարմանալի գաղափար է: Դիշեր է և օդը նպաստաւոր չէ: Աւելի աղէկ կ'ընես եթէ անկողինիդ մէջ, տաք տեղը պառկիս:

— Բայց ո՛չ, սիրելիս, հաւատա որ առողջութեան համար աղէկ է: Զնայի՞ս էնտըրին՝ իմ գործակատարիս: Ո՞րքան հուժկու և առողջ է: Իր առոյդ վիճակը ասոր կը պարտի: Այս առառու ինծի հետ պիտի զայ: Որոշեցի ասկէ ետք ամէն առառու կանուխ պառոյտ մը ընել:

Մեծայարդ տիկին Մարշալ խորին հառաչանք մը արձակեց:

— Միտքդ գրածդ պիտի ընես, ըստաւ: Վերջերս երկանիւ մը գնեցիր, որպէս թէ քու տարիքդ ունեցող մարդ մը երկանիւ նստելու պէտք ունենար: Եւ հրմակ այս խիստ օդին գուրս պիտի ելլես: Դուն խելքդ թոցուցեր ես, խեղճ ծերուկո:

— Բայց ո՛չ, բայց ո՛չ, ըստ ձերունին, որ իր ար-

դուզարդը աւարտած էր և վերաբկուն կը հագնէր: Մի՛
բարկանար, էմմի, չարժեռ: Ժամէ մը պիտի դառնամ:

Իր ընակած տունը պղտիկ քաղաքին կեդրոնը հաս-
տատուած վայելուչ շէնք մըն էր: 30 տարեկանի մօտ, սեւ
մօրուքով և սլացիկ հասակով պարոն մը դրան առջեւ իրեն
կը սպասէր:

— Եկա՞ք, Մր. Էնտըր, ըսաւ գործարանատէրը, երի-
տասարդին յարգալից բարեւին պատասխանելով: Կը տես-
նէք թէ կրցայ կանուխ ելլեւ, ձեզի ընկերանալու համար:
Կինս հաղարումէկ դիտողութիւններ և յանձնարարութիւն-
ներ ըրաւ: Բայց ճամբայ ելլենք:

Երկուքն ալ մեկնեցան թեթեւ քայլերով:

— Ուրիշ կողմէ մը երթալու էինք, ըսաւ Մարչալ
տեսնելով որ գործակատարը իր դործարանին կողմը կ'ուղ-
ղուէր: Ամէն օր այս ճամբէն կ'անցնինք: Բայց վերջապէս
հոդ չէ: Սյդ կողմէն ալ դաշտ պիտի ելլենք:

Խօսելով մէկտեղ գործարանին առջեւէն անցան և քիչ
մը ետքը քաղաքին վերջին տուներուն առջեւ հասան:
Լոյսը՝ կը սկսէր ծագիլ և արեւին անդրանիկ ճառագայթ-
ները ամպերուն խոռութիւնը ճեղքեցին:

Գործակատարը յանկարծ կեցաւ:

— Թերեւս աղէկ պիտի ընենք ետ դառնալով, ըսաւ:
Զեր առտուան առաջին պտոյտին համար ճամբան բաւական
երկար է: Սորիկա շատ առողջարար մարզանք մըն է, բայց
պէտք է քիչ քիչ վարժուիլ անոր:

Ծերունի պարոնը, որ թերեւս իր անկողնին տաքու-
թիւնը կը փնտոէր քիչ մը, դիտողութիւն չըրաւ: Կամաց
կամաց դարձան դէպ ի քաղաք, որ տակաւին կը քնանար
և քիչ մը ետքը նորէն ա ցան Մարչալի մեծ գործարանին
առջեւէն, որուն երեք բարձր ծխնելոյները կ'իշխէին շրջա-
կայ շէնքերուն վրայ:

— Ժամը հինգը քառորդ կ'անցնի, ըսաւ ծերունին
ժամացոյցը նայելով: Այսօր կիրակի է: Գործի շեն երթար:
Շատ ժամանակ ունինք:

Էնտըր գլխովը հաստատական նշան մը ըրաւ և թաշ-
կինակը հանեց ու հաղուստին փոշիները թօթուեց խնամ-
քով: Նոյն պահուն լսուեցաւ խարազանի կամ մտքակի

հարուածի մը պէս չոր և տարօրինակ աղմուկ մը, որ կար-
ծես թէ հեռուէն կուգար:

Ճեքը Մարչալ թեթեւ ճիչ մը արձակեց և խոկոյն իր
ձախ թեւը բռնեց:

— Ի՞նչ է աս, պոռաց բոլորովին յուզուելով:

Էնտըր սարսափահար ընկրկեցաւ, տեսնելով որ արիւն
կը հասի զգեստին թեւին վրայ:

— Ի՞նչ եղաք, Մր. Մարչալ, ըսաւ:

Չեռքերը երկնցուց, որոնց մէկուն մէջ կը գտնուէր
տակաւին գրապանի թաշկինակը:

— Զարնուեցայ ըսաւ Մարչալ, Գնդակ մըն է...

Զկրցաւ աւելի խօսք մը ըսել: Նոյն աղմուկը լսուե-
ցաւ: Ծերունին թեւերը բացաւ, դէպ առաջ ծռեցաւ յետին
անձկութեան հանչիւնով մը և ծանրօրէն ինկաւ գետին,
ուր քանի մը ջղաձգութիւնը ետք անշարժ մնաց:

Գործակատար էնտըր նախ կարծես թէ քար կտրեցաւ:
Յետոյ սկսաւ ողբալի ձայնով մը օգնութիւն կանչել: Բայսի
մը զգործաւորներ վազեցին, ինչպէս նաև ոստիկան մը, որ իր
պտոյտին կ'ակսէր:

Գործարանատէրին անկենդան մարմինը շրջապա-
տեցին:

— Հիմա կրակ ըրին Մր. Մարչալի վրայ, թոթովեց
էնտըր տժգոյն և դողդոյուն: Տէ՛ր Աստուած: Աճապարե-
ցէք: Բժիշկ մը և ոստիկանութեան քննիչ Բօպինը կանչե-
ցէք: Սպանութիւն մըն է ասիկա: Պէտք է յանցաւորը
գտնել:

Մարդկի ցրուեցան այս հրամանները գործադրելու
համար: Քիչ մը ետքը, ոստիկանը եկաւ թժիշկի մը հետ, որ
դժբախտաբար Մր. Մարչալի մահը հաստատելէ զատ ուրիշ
բան մը չկրցաւ ընել:

— Հրազդէնի հարուած մը ստացեր է կուրծքէն, ըսաւ
տոքթորը: Գնդակը սիրտէն անցած ըլլալու է:

— Երկու անգամ կրակ ըրին և անշուշտ շատ հեռուէն,
ըսաւ էնտըր, վասն զի հարուածները տարտամօրէն լսեցի:
Առաջին գնդակը Մր. Մարչալի թեւէն անցաւ:

Այս միջոցին եկաւ ստիկանութեան պետք, քննիչ Բօ-
պին: Միրալիր կերպով սեղմեց իր երկու բարեկամնե-

րուն՝ բժշկին և գործակատարին ձեռքերը։ Այս ահաելի ո-
ճիրէն խռոված, անմիջապէս հրամայեց մերձակայ բոլոր
տուները խուզարկել, մինչ դատական պաշտօնատարը, որ
ինք ալ ոճին վայրը եկած էր, իր վկայութիւնը կուտար
— Հրազդէնի մը միջոցաւ գործուած սպանութիւն։

Եթոյ տարաբախտ Մարշալի մարմինը փոխադրուեցաւ
իր տունը։

Նոյն օրը քննիչը տեսդային գործունէութիւն մը ցոյց
տուաւ։ Վէրքը զննած էր և զնդակը անտարակոյս կը
պատկանէր լաւագոյն վիճէսթրերի մը, որ երկար հասողու-
թեամբ հրացան մըն է։ Յայտնի է թէ ծերունին սուաննողը
առաջնակարգ նշանաձիգ մըն էր։ Բայց կարելի չեղաւ հաս-
տատել թէ զէնքը ուրկէ արձակուած էր։ Գնդակը սրտէն
քիչ մը վեր մտած և յետոյ դէպի վար սահած էր, ինչ որ
կարծել կուտար թէ հարուածը բարձրէն մեկնած էր։ Բայց/
ոճիրին վայրին մօտ գտնուած տուները շատ ցած էին, եկե-
ղեցիին զանդակատունը շատ հեռու էր և քննիչը վայրիեան
մը իսկ չսորհեցաւ գործարանին երեք հսկայ ծխնելոյզնե-
րուն վրայ։

Յաջորդ առաու գործարան գնաց և ուզեց խօսիլ գոր-
ծակատար Մր. Ճեյմս Էնտըրի հետ։

Այս վերջինը տժգունած և շտու ջղայնացած էր։ Իր
բաթրօնին եղերական մահը խորին ցաւ պատճառած էր իրեն։
— Տակաւին չղտա՞ք յանցաւորին հետքը, հարցուց։
Եշան մը կա՞յ մէջտեղ։

Ռօպին գլուխը ցնցեց։

— Աւա՛զ, ո՛չ, ըստ վհատած երեւոյթով մը։ Տիկին
Մարշալ յիմարութեան մօտեցող յուսահատութեան մը մէջ
թագուած է։ Իմ ամէնէն սիրականիս վրայ երգուցնցուց
զիս որ իր ամուսինին սպանիչը երեւան հանեմ։ Արդէն
խոստացաւ երկու հազար տոլար տալ յանցաւորը ձերբակա-
լել տուղին։ Կ'ուզէի շահիլ այդ գումարը, բայց գործը
այնչափ մութ և խառնակ է որ չեմ յաջողիր մէջէն ելլել։

— Կը հաւտամ, ըստ էնտըր։ Մր. Մարշալ թշնամի
չունէր։ Իր բոլոր գործաւորները կը սիրէին և կը յարգէին
զինքը։ Բաթրօնին մահուանը վրայ շատ կը ցաւին։ Անկա-
րելի է որ սպանիչը անոնցմէ մէկը ըլլայ։ Զեմ ճանչնար ու-

րիշ մէկը, որ այս բարի ծերունիին հետ թշնամանալու պատ-
ճառներ ունեցած ըլլայ, մանաւանդ զինքը մեռցնելու աս-
տիճան թշնամացած։

Ոստիկանութեան պետը հառաջանք մը արձակեց։

— Տիկին Մարշալ միեւնոյն բանը ըստ ինծի, շարու-
նակեց։ Անիկա իր ամուսինին ո՛չ միայն ներկայ, այլ նաև
անցեալ կեանքը գիտէր իր կեանքին պէս։ Ուրեմն ինդիրը
վրէժինդրութեան մը վրայ չի կրնար ըլլալ։ Գողութեան
շարժառիթով սպանութիւն մըն ալ եղած չի կրնար ըլլալ։
Ասկէ զատ, ո՛չ ոք օգուտ մը պիտի չտեսնէր Մր. Մարշալի
մահէն։ Անլուծելի երեւցող հանկլուկի մը առջեւ կը գրա-
նուինք։

— Կը մազթեմ սակայն որ շուտով լուծէք զայն, Մր.
Ռօպին, ըստ գործակատարը յուզուած շեշտով մը։ Իմ մա-
սիս ես մարդկօրէն կարելի եղած ամէն բան պիտի ընեմ
այդ բանին համար։ Հոգ պիտի տանիմ մօտէն հսկելու գոր-
ծարանին երկու հարիւր աշխատաւորներուն վրայ, տեսնե-
լու համար թէ անոնց մէջ կասկածելի մէկը կը գտնուի,
հակառակ այն լաւ կարծիքին զոր կազմած եմ անոնց վրայ։

— Այո՛, կաղաչեմ, ըրէք աստիկա, Մր. Էնտըր։ Ան-
կեղօրէն կրսեմ ձեզի թէ նոյն իսկ ուրախ պիտի ըլլամ
եմէ Տիկին Մարշալի խոստացած երկու հազար տոլարը
դուք շահիք։

Ասոր վրայ ոստիկանութեան պետը հեռացաւ մտահով։
Բնաւ չդադրեցաւ այս գործով զբաղելէ։ Խուզարկութիւն
խուզարկութեան վրայ կատարել տուաւ, բայց ամքող շա-
րաթը անցաւ ու ո՛չ ինք և ոչ ալ ոստիկանութեան միւս
պաշտօնեաները չյաջողեցան նոյն իսկ դոյզն արդիւնք մը
ձեռք բերել։

Կիրակին եկաւ նորէն ու դարձեալ քննիչ Ռօպինը ար-
շալոյսէն առաջ արթնցուցին և լուր տուին թէ երկրորդ
սպանութիւն մը գործուած էր ծիշդ այն պայմաններուն
մէջ, ուր մեռած էր տարաբախտ Մր. Մարշալ։

Այս անդամ ալ զոհը խիստ վայելուէ հազուած ծերունի
մըն էր, որ, — ինչպէս ետքը հասկցուեցաւ —, ժամը 5.30ի
կառախումքով եկած էր Մարշալի գործարանին մօտ գրա-
նուած կայսրանը և անմիջապէս ուղղուած էր դէպի քա-
ղաք։

Կայսրանին պաշտօնեաներէն մէկը, զարմանալով որ այդքան չնորհքով մարդ մը շատ կանուխէն եկած էր այդ պղտիկ քաղաքը ու ո'չ ոք կը գտնուէր զինքը ընդունելու համար, ակնարկով հետեւած էր անոր և հեռուէն չոր հարուած մը լսելով տեսած էր որ ծերունին միեւնոյն պահուն գետին ինկած էր ծանրօրէն:

Անմիջապէս նախորդ շաբթուան ոճիրը միշած և օգնութիւն կանչած էր: Անոր կոչերուն վրայ վազող ոստիկանները գիտի մը առջեւ գտնուեցան: Գնդակը այս անզամ անցած էր զո՞ին գլուխին մէջէն:

Քննիչ Ռօպին, քանի մը վայրկեան ետք հասնելով, զայրոյթի նոպայ մը ունեցաւ բառին բուն նշանակութեամբ: Սյս իսորհրդաւոր ոճիրները վերջ պիտի չգտնէի՞ն ուրեմն: Ո՞ւրիէ կուգային այդ անտեսանելի գնդակները, որ երբեք չէին շեղեր իրենց նպատակէն:

Կ'երեւար թէ այս նոր ոճիրն ալ անպատիմ պիտի մնար: Սպանեալին վրայէն գտնուած թուղթերէն հասկցուեցաւ թէ անունը Ուրիլերմ Սթիուարդ էր և կը բնակէր Պոսթըն:

Քննիչ Ռօպինին առաջին զործը եղաւ երթալ գտնել Մարշալի զործարանին զործակատարը և ասո նոր ոճիրը հաղորդել անոր:

— Օտարակա՞ն մըն է, հարցուց ինտըր: Ի՞նչպէս եղեր է որ այս քաղաքը կը գտնուէր և ա՞յսչափ կանուխ:

— Պոսթընցի Ուրիլերմ Սթիուարդ անուն մէկն է, պատասխանեց ոստիկանապետը: Չեմ կրնար ըսել...

Ենտըրի մէկ աղաղակը ընդմիջեց զայն:

— Պոսթընցի Ուրիլերմ Սթիուարդ, թոթովեց:

— Այսո՛: Իր վրայ թուղթեր կային, որոնցով կրցանք իր ինքնութիւնը հասկնալ: Բայց ի՞նչ եղաք. Մր. ինտըր: Արդեօք կը ճանչնա՞ք այդ մարդը:

— Կը ճանչնա՞մ մի, ըսաւ գործակատարը մոլորուն աչքերով: Հօրեղբայրս է, միակ ազգականս, որուն յարած էի ամենաջերմ ոիրոյ կապերով: Օ՛հ, խե՞զ մարդը...: Ինչո՞ւ եկեր է այս աղետալի օրուան մէջ: Այդ թշուառական ոճրագործը ի՞նչ կրնար ունենալ ազնիւ ծերունիին դէմ որ այս քաղաքին մէջ բոլորովին անծանօթ էր: Օ՛հ, անշուշտ այդ մարդը զուտ յիմարութեան համար կ'սպաննէ: Ոճիրի ջլախտաւոր մըն է: Ըրածը թողածը չի գիտեր:

Եւ գործակատարը, վիշտէն ընկճուած, գլուխը ձեռքերուն մէջ խօթեց, մինչ Ռօպին, կարեկցելով, անոր կը նայէր գորովալից:

Պաշտօնատարը կ'ըսէր ինքնիրեն թէ այս նոր դէպքը պատահելով, գործը հետզհետէ կը կնճուստէր: Արդարեւ այդ Ուրիլերմ Սթիուարդը, որ առաջին անդամ ըլլալով ինկըր վուտ կուգար և հետեւապէս պղտիկ քաղաքին բնակիչներուն անծանօթ էր, ինչո՞ւ պիտի սպաննուէր: Կ'երեւար թէ այս հարցումը անպատասխանի պիտի մնար: Ոստիկանութեան նոր հետազօտութիւնները ապարդիւն կ'ըլլային:

ՅԱՐՄԱՐ ԱՏԵՆԻՆ ԵԿՈՂ ՄԱՐԴ ՄԸ

Հինգշաբթի առառու, ոստիկանապետին ծանուցուեցաւ թէ ուղղակի նիւ Եօրքէն եկող մարդ մը իրեն ներկայանալ կ'ուզէր: Ռօպին, որ այդ քաղաքէն գալիք մէկու մը կը սպասէր անհամբերութեամբ, հրամայեց որ անմիջապէս ներս բերեն: Նիւ Եօրքի ոստիկանութեան կեդրոնական գրասենեակը ծանուցած էր իրեն թէ գաղտնի ոստիկան մը կը դրէիր, իր աշխատութիւններուն մէջ օգնելու համար իրեն:

Ներս մտնողը միջին տարիքով, կորովի դէմքով, վառվուսն և խորաթափանց աչքերով մարդ մըն էր: Ինքզինքը ներկայացնելով ըսաւ.

— Նաթ Փինքէրթըն, նիւ Եօրքցի:

— Ա՛հ, ըսաւ ոստիկանապետը շատ զոհ մնալով: Ուրախ եմ որ վարչութիւնը ինծի դրկեց ո'չ թէ իր, այլ նիւ Եօրքի մասնաւոր ոստիկաններուն ամէնէն հոչակաւորը և հիմա կը յուսած թէ պիտի գտնենք հեղինակը այն խորհրդաւոր ոճիրներուն, որոնք այնչափ չարչարեցին զիս:

Փինքէրթըն նստաւ այն աթոռին վրայ, զոր քննիչ Ռօպին ներկայացուց իրեն:

— Մեր ձեռքէն եկածը պիտի ընենք յաջողելու համար,

պատասխանեց : Այստեղ պատահած դէպքերը, ճիշդը ըսելով, բոլորովին մասնաւոր հանգամանք մը ունին : Անշուշտ դժուարութիւն պիտի կրեմ, բայց ամբողջ կորովս, ամբողջ իմացականութիւնս պիտի գործածեմ : Կ'ուզեմ գտնել այս գարշելի ոճիրներուն թշուառական հեղինակը կամ հեղինակները :

— Ամենաթանկագին տեղեկութիւններ պիտի տամ ձեզի, ըստ Թօփին փութկոտութեամբ :

Փինքէրթըն ձեռքի շարժումով մը կեցուց զայն :

— Անօգուտ է, ըստ : Գործին բոլոր մանրամասնութիւնները գիտեմ : Զեր կողմէ կեդրոնական վարչութեան զրկուած մանրամասն տեղեկագիրը կարդացած եմ : Աւելցնելիք բան մը ունի՞ք :

— Ո՛չ : Զեր կարդացածներէն զատ ուրիշ բան մը պիտի չկրնամ ըսել ձեզի : Բայց ինչո՞ւ միայն այսօր եկաք, Մր. Փինքէրթըն :

— Մինչեւ առջի օրը ուրիշ գործով մը զբաղեցայ և երեկ այս գործին պարապեցայ :

— Ի՞նչպէս, ըստ ոստիկանապետը, աչքէրը խոշոր խոշոր բանալով : Կ'ըսէք թէ նիւ Եօրքի մէջ ինկլվուտի գործո՞վ զբաղեցաք :

— Այսո՛, եւ սոյն իսկ քանի մը մասնաւոր պարագաներ իմացայ, որոնք պիտի կրնան օգտակար ըլլալ մեզի : Կը հաճի՞ք հիմա թոյլատրել զիս որ քանի մը հարցումներ ընեմ :

— Կ'աղաջեմ ըրէք :

— Սպաննուած առաջին մարդը կը կոչուէր ձէքըոչ Մարշալ և գործակատար Մր. Ճէյմս Էնտորին պեսն էր : Երկրորդը կը կոչուէր Ուլիկը Սթիուարդ ու այդ գործակատարին հօրեղբայրն էր : Այս պարագան, — այսինքն թէ եմկու զոհերը սերտ յարաբերութիւն ունէին Ճէյմս Էնտորի հետ — , պէտք չէ ուշադրութենէ վրիպեցնել :

Թօփին շատ զարմացաւ այս տարօրինակ հետեւութեան զրայ :

— Աղէկ չեմ հասկնար, ըստ : Ճէյմս Էնտորը ընաւ չի կրնար սպանիչը, ո՛չ իսկ սպանչին մեղսակիցը նկատուիլ :

Փինքէրթըն ուսերը թոթուեց :

— Աղէկ գիտէք թէ, ըստ, զարպեա ոստիկան մը

պէտք չէ ընաւ գործի մը համար օտար նկատել մարդ մը, որ հեռուէն կամ մօտէն խառնուած է անոր:

— Ճիշտ է, խոստովանեցաւ ոստիկանապետը : Մրայն թէ ձեր այդ ըսածը Մր. Էնտորին համար չէ : Ոճիրին առտուն Մր. Մարշալի հետ պայտ կ'ընէր : Վրան զէնք չունէր և վէրքին քննութենէն գիտենք թէ գնատակը վերէն վարկած էր : Երկրորդ սպանութեան միջոցին, Էնտոր անկողինն էր, իր ոպասուին վկայ է : Ասկէ զատ, իր և կայարանի պաշտօնեային յայտարարութիւնները ամէն կէտի մէջ իրարու համաձայն են : Գիտէք թէ պաշտօնեան ակնարկովը հետեւեցաւ տարաբախտ Ուլիկը Սթիուարդի, երբ անիկա կայարանէն կը հեռանար ու անոր վար իյնալի տեսաւ : Ան ալ, Էնտորի պէս, լսեց հեռուէն մեկնող հրազէնի հարուածին չոր աղմուկը : Վերջապէս Մր. Էնտորը, իր հօրեղբօր մահը լսելով, բարին ըուն նշանակութեամբ յուսահատական վիճակ մը ցոյց տուաւ :

Փինքէրթըն չկրցաւ խնդալը զսպել :

— Ատիկա մեծ բան մը չի նշանակեր, ըստ : Ես շատ տեսած եմ խորամտնկ ոճրազործներ, որոնք հիանալի կերպով կատակերգութիւն կը խազային և աղնուագոյն զդացումներ, ամենախոր վիշտեր կը ձեւացնէին արկածներու առթիւ, զորս հոգերնին անդամ պիտի չընէին եթէ իրենք չըլլային հեղինակները :

Թօփին զգուխը երեցուց :

— Եկեցէք որ ձեզի համամիտ չըլլամ, Մր. Փինքէրթըն, ըստ, զոնէ մեզ զբաղեցնող գործին մէջ : Իմ կարծիքովս, ձեր մամանակը կը կորսնցնէք եթէ Մր. Էնտորով զբաղիք : Ես մասնաւոր կերպով կը ձանջնամ զայն : Բանի մը տարիէ ի վեր կը պաշտօնագարէ ձէքըպ Մարշալի զործարանին, մէջ և ուղղամտութեան և հաւատարմութեան տիպար մըն է : Մարշալ անսահման վստահութիւն ունէր անոր վրայ և գործերուն վարչութիւնը անոր կը յանձնէր երբ երկարատեւ ձամբորդութիւններու ձեռնարկէր : Ծառ բարձր թոշակ կը ստանայ : Մարշալ խիստ բարեացակամ էր անոր հանդէս և ճշմարտապէս հրէշային պիտի ըլլար խորհիւ թէ Էնտորը կրնար իր բաթրօնը սպաննելու գաղափարը ունենալ :

— Բայց ես բնաւ չեմ պնդեր թէ Էնտըր սպաննից կամ նոյնիսկ սպանեալին մեղսակիցն է, ըսաւ Փինքէրթըն։ Մինչեւ հիմա չեմ գտած շարժառիթը, որ կրնար իր բաթրօնը սպաննելու մղել զինք, բայց այդ շարժառիթը կրնայ գոյութիւն ունենալ։

— Կը վատահեցնեմ ձեզ, Մր. Փինքէրթըն, ըսաւ Ռօպին, գրէթէ բարկացած, թէ այդ պարկեշտ մարդուն վրայ այդ կերպով խօսութիւր ցաւ կը պատճառէ ինձի։

— Մենք հոս մեր պաշտօնը կատարելու վրայ ենք, Մր. Ռօպին, ըսաւ գաղանի ոստիկանը պազօրէն։ Հետեւաբար, պէտք է նկատի առնենք ամէն հնարաւորութիւն։ Պահ մը ենթադրենք թէ գործակատարը յանցաւօր ըլլայ։ Ո՞վ կ'ըսէ ձեզի թէ պատճառներ չունէր — անշուշտ գէշ պատճառներ — իր հօրեղբայր Աւիլերմ Սթիուարդի մահուան փափաքեւու համար,

Ռօպին աչքերը խոշօր խոշոր կը բանար խելայեղ կերպով։

— Պատճառնե՞ր, մրմուաց։ Ինչո՞ւ ուրեմն սպաննել պիտի տար այդ խեղճ ծերունին։

Գաղտնի ոստիկանը քիչ մը հեղնական ակնարկ մը ուղղեց անոր վրայ։

— Տեսէք, Մր. Ռօպին, ըսաւ սիալ մը զործեցիք բնաւ նկատի չառնելով Մր. Էնտըրի և իր հօրեղբար միջեւ գոյութիւն ունեցող յարաբերութիւններուն հանգամանքը։ Ես նիւ Եօրքի մէջ պէտք եղած տեղեկութիւնները առի այս կէտին վրայ։

— Օ՞հ, և ի՞նչ իմացաք, կ'աղաչեմ։

— Իմացայ թէ Մր. Աւիլերմ Սթիուարդ ինքնատիպ մէկն էր, խիստ հարուստ և թէ Մր. ձէյմս Էնտըր անոր մահուամբ միակ ժառանգորդը եղած է։

Ռօպին նստած տեղէն վեր ցատկեց։

— Օ՞հ, ահաւասիկ նոր բան մը, ըսաւ։ Ասիկա ճիշտ ըլլալու է, քանի որ գուք կ'ըսէք։ Բայց ոչ, երբեք պիտի չկրնամ հաւատալ այդ մարդուն յանցապարտութեանը։

— Ուրիշ բան մը գիտել պիտի տամ ձեզի, Մր. Ռօպին։ Դուք ձեր տեղեկագրին մէջ գրած էք թէ Էնտըր միշտ լաւ յարաբերութեան մէջ գտնուած էր հօրեղբարը հետ, այնպէս չէ։

— Անշուշտ, այդպէս գրեցի։ Նոյն ինքն Էնտըր հաւատած է ինձի։

— Ե՛ս ուրեմն, ի՞նչ պիտի ըսէք եթէ իմացնեմ ձեզի թէ Սթիուարդ տարիներէ ի վեր մահացու ատելութիւն մը կը անուցանէր իր եզրօրորդին գէմ։

— Օ՞հ, օ՞հ, պոռաց ոստիկանապետը, ատիկա կարելի՛ չէ։ Եթէ իրարու հետ աւրուած էին, ինչո՞ւ Սթիուարդ ինկլուտ պիտի ճամբորդէր ի՞նչպէս կ'ուզէք որ իր եզրօրորդին այցելութիւն մը տալու գաղափարը ունենար եթէ զանիկա թշնամի կը նկատէր։

— Ատիկա հաստատութեան կը կարօտի։ Ես բնաւ վրասի չեմ թէ անիկա Էնտըրի այցելութիւն մը տալու հեկաւ։ Ծերունիին վրայ գտնուած թուզթերը ինամքով քննեցի՞ք։

— Բնականաբար։

— Նամակներ կամ ուրիշ թուզթեր չկայի՞ն որ ինկլուվուտ գալը բացատրէին։

— Ամենեւեին։

— Պիտի խօստովանիք թէ առնուազն տարօրինակ է որ իր եզրօրորդին տեսնելու ֆափաքող ձերունի պարոն մը այստեղ գայ առտուն կանուխ, ճիշդ այն ժամուն ուր այդ եզրօրորդին անկողինն է և ուր բաւակայն լոյս է, որպէսզի մարդասպան մը կարենայ մեծ հեռաւորութենէ մը կրակ ընել։ Ես իմ մասիս համոզուած եմ թէ Մր. Սթիուարդ մասնաւոր պատճառով մը եկած է հոս, ու ասիկա չեմ կրնար խիստ կասկածելի չնկատել։ Հիւա երկու դիակները քննող բժիշկը տեսնելու պիտի երթամ։ Յետոյ մտադիր եմ երթալ ձեքը Մարշալի այրիին քով։

Գաղտնի ոստիկանը տոքթուէն ուզեց եւ ստացաւ քանի մը ուրուագիծներ, զօրս անիկա, իբրև խղճամիտ բժիշկ, առած էր զոհերուն մարմնին մէջ գնդակներուն ունեցած ուզզութեան մասին։

— Տարօրինակ է, դիտել տուաւ գաղտնի ոստիկանը։ Զեր ուրուագիծներուն համեմատ, տոքթոր, գնդակները պէտք է որ բարձրէն նետուած ըլլան, և նոյն իսկ չառքարձէն, վասնզի մարմինին մէջ անոնց առած ուզզութիւնը չեղ է և հարուածները բաւական մեծ հեռաւորութենէ մը եկածի պէս լսուեցան։

— Հերգ է, ուստամիսաննց բժիշկը: Յրդէն այդ խորհրդածութիւնը ըրի: Սակայն շրջականերուն մէջ չատ բարձր տեղեր չկան:

— Վատա՞հ էք, հարցուց գաղտնի ոստիկանը: Կայարանէն դուրս ելած սիջոցիս ուշադրութեամբ քննեցի այդ ոճիրներուն գործուած տեղը և գտայ ո՛չ թէ մէկ, այլ երեք բարձունքներ, զորս աղէկ պիտի ըլլայ նկատի առնել քննութեան մէջ:

Բժիշկը, որ չատ կը հետաքրքրուէր այս աղետալի և խորհրդաւոր գործով, ուշադրութեամբ մարկ կ'ընէր գաղտնի ոստիկանին:

— Երեք բարձունքներ, հարցուց: Բայց ո՞ւ՞,
— Ճէքը Մարշալի գործարանին երեք ծինելոյզները, պատասխանեց Փինքէրթըն:

— Կրջօրէն պիտի պնդէ՞ք թէ կրցած են զէնք պարպել այդ ծինելոյզներէն մէկուն բարձունքէն:

— Ես ամենեւին չեմ պնդեր բանի մը վրայ, ըստ գաղտնի ոստիկանը մպաելով: Բայց դուք, առքթո՞ր, դուք աւ չեք կրնար պնդել թէ բարձունքէն զէնք պարպած չեն, վասն զի այս բանը կարելի է: Դուք աւ ինձի չափ աղէկ գիտէք:

Բժիշկը թերահաւատութեան շարժում մը ըրաւ, առանց սակայն գաղտնի ոստիկանին ըստածք հերքել կարենալու: Փինքէրթըն պատշաճ չդատեց աւելի ընդարձակ բացատրութիւններ տալու և բաժնուեցաւ անկէ, տարարախտ տիկին Մարշալի տունը երթալու համար:

Անմիիթար այրին արցունքի հեղեղով մը ընդունեց զայն, երբ իմացաւ թէ գաղտնի ոստիկան էր և նիւ Եօրքէն դրկուած էր այս ահուելի սպանութիւններուն գաղտնիքը լուծելու համար:

— Ո՞հ, ըստ հեծկլուալով, գտէ՞ք, երեւան հանեցէ քիմ ամենասիրելի ճէքը սպաննող թշուառականը: Ո՞չ հանդասութիւն և 'ո՛չ երջանկութիւն պիտի կրնամ վայելել որչափ տանն որ անպատիժ մնայ անիկա և ուրախութիւն զդայ իր գարշելի գործին համար:

— Կարենմ թէ աղէկ ճամբու մէջ կը զանուիմ զանիկա զանելու համար, տիկին Մարշալ, ըստ գաղտնի ոստիկանը:

Եւ ասիկա անշուշտ սոսկալի անակնկալ մը պիտի ըլլայ ձեզի համար:

— Նոր վիշտ մը պիտի ըլլայ, հարցուց մտահոգ:

— Ո՛չ, ո՛չ, ընդհակառակը համոզուած եմ թէ զոհ պիտի ըլլայ զիտնալով որ թշուառականը իր արգար պատիքը գտած է:

— Աւրեմն պիտի փորձեմ աւելի հանդարտ ըլլալ, ըստ տիկին Մարշալ այտերուն վրայ հոսող արցունքները սրբելով:

— Ես եկած եմ հարցումներ ընելու համար ձեզի այն պտոյտին վրայ, զոր ձեր ամուսինը ըրաւ առտուն կանուխ և որ աղետալի պիտի ըլլար իրեն: Ի՞նչպէս եղաւ որ արշալոյսէն առաջ դուրս ելելու գաղափարը ունեցաւ:

— Ծատ անգամ այլանգակ գաղափարներ կ'ունենար: Մայրայեղ կերպով հոգ կը տանէր իր առողջութեանը և երիտասարդ ու զօրաւոր մնալու համար, ինչպէս կ'ըսէր ինք, ամէն տեսակ զգօսախաղերու կը նուրիրուէր տարիներէ ի վեր: Առատուն այդ պտոյտը, իր գաղափարով, նպատակ ունէր զինքը զօրացնելու, իր դնդերքը ձկնցնելու:

— Մեկնած ատենը արթո՞ւն էիք:

— Այո՛, անկողնէն ելած ատենը արթնցուց և ցուրտ, մառախլապատ օդին գուրս ելլելու իր յիմարութեանը համար դիտողութիւններ ըրի իրեն: Բայց չկըցայ խօսք հառկցնել: Նորէն ելաւ գնաց, ըսելով ինձի թէ Մր. Էնտրը, իր գործակատարը, ամէն օր կը պտտէր այդպէս և իր քաջառողջութիւնը այս մարզանքին կը պարտէր:

— Ո՛հ, ա՛հ, կարելի է ուրեմն ընդունիլ թէ Մր. Էնտրը հրաւիրած էր ձեր ամուսինը որ առտուն այս պտոյտը կատարէ, այնպէս չէ՞:

— Ծատ կարելի է, պատասխանեց ծերունի կինը: Եւ յետոյ, ամուսինիս բացատութիւններէն կը հասկցուէր թէ առջի իրիկուն ծրագրած էր այս պտոյտը Մր. Էնտրը հետ:

Նաթ Փինքէրթըն պէտք եղածը գիտէր: Գործակատարին այրիէն բաժնուեցաւ և ճէյմս Էնտրը տունը զնաց, ձարտարօրէն հարցաքննեց սպասուիին և իմացաւ թէ գործակատարը առտուն կանուխ դուրս ելլելու սովորութիւն չունէր:

Իր կասկածները կը հաստատուէին:

Գաղտնի ոստիկանը հօնկէ գնաց ոստիկանութեան պաշտօնատունը : Թօպինի գրասենեալը մտած ատեն, հօն գտաւ սեւ մօրուքով, վայելուչ ձեւերով և խիստ մաքուր ու շիք հագուած պարոն մը :

— Եկա՞ք, Մր. Փինքէրթըն, բաւ ոստիկանագետը : Թոյլ տուէք որ ձեզ ներկայացնեմ Մր. ձէյմս Էնտըրը, ձէքը Մարշալի գործակատարը :

Գաղտնի ոստիկանը զայրալից ակնարկ մը ձղեց ոստիկանագետին վրայ : Այդ Թօպինը ապահովապէս տիմարին մէկն էր : Փինքէրթընի հետ իր տեսակցութենէն հասկցած ըլլալու էր թէ բնաւ պէտք չէր նիւ Եօրքցի գաղտնի ոստիկանի մը ներկայութիւնը իմացնել Էնտըրի որ արդէն կատկածի տակ կը գտնուէր :

ձէյմս Էնտըրը բարեւեց Փինքէրթընը :

— Եատ ուրախ եմ ձեզ ճանչնալուս համար, ըսաւ բաւ ական պաղարինութեամբ : Արդէն շատոնց կը ճանչնամ ձեզ : Զեր յաջողութիւնները յաճախ օրուան խնդիրը կ'ըլլան :

Դէմքին ո՛չ մէկ դնդերքը կը շարժէր, բայց աշքերը տարօրինակ հուրով մը կը փայլէին : Յայտնի էր թէ ինքնքը կը զապէր :

Փինքէրթըն այնպէս ձեւացուց թէ չէր նշմարած ձէյմս Էնտըրի երկնցուցած ձեռքը :

— Ներկայ պարագային մէջ յաջողութեան մը չեմ սպասեր, ըսաւ ա՛լ աւելի պաղ շեշտով մը : Գործը այնքան մութ և խորհրդաւոր է որ կը սկսիմ տարակուսիլ . . . : Զեր դժբախտ պետին և ձեր հօրեղբօր վրէմը հաւանաբար պիտի չլուծուի բնաւ :

— Ճիշդը ըսելով, շատ ցաւալի բան մը պիտի ըլլայ ատիկա, պատասխանեց Էնրոր թեթեւ հեգնութիւնով մը : Բայց երբ նախ Փինքէրթըն ինք կը խօսի այդպէս, ձի՛դ ըլլալու է :

Գաղտնի ոստիկանը մեկնիլ ուզեց, բայց գործակատարը վար դրաւ զայն ու հարցուց :

— Հիմակ ի՞նչ ընելու միտք ունիք, Մր. Փինքէրթըն :

— Տակաւին ես ալ չեմ գիտեր : Նախ եւ առաջ պանդոկու պիտի դառնամ և թերեւս վաղը իսկ սեկնիմ հօսկէ :

— Ո՞ր պանդոկը իջած էք :

— «Վիյլ տը Լօնտըր» պանդոկը, պատասխանեց Փինքէրթըն չարամտօրէն ժամունով :

Եետոյ մեկնեցաւ ոստիկանութեան պաշտօնատունէն և ըսած պանդոկը գնաց :

ԳԻՇԵՐԱՅԻՆ ՅԱՐՁԱԿՈՒՄ ՄԸ

Եթէ Փինքէրթըն չարամտօրէն ժպտած էր Էնտըրի պատասխանած ատեն, պատճառը ուա է որ կը կասկածէր թէ գործակատարը զօրաւոր պատճառ մը ունէր իրեն հարցնելու համար իր իջած պանդոկին անունը : Ոիստ հաւանաբար, դիշերը չանցած, զաղտնի ոստիկանը յարձակում մը պիտի կրէր ձէյմս Էնտըրի կամ անոր մեզակցին կողմէ, այսինքն այն մարզուն, որ կրակ ըրած էր երկու ծերունիներուն վրայ :

Թէեւ ըսած էր թէ բան մը չէր սպասեր իր քննութենէն, բայց կը կարծէր թէ ձէյմս Էնտըրը շատ ուշիմ էր և այդ ուռւար պիտի չկլէր :

— Առաջուընէ գիտցող մարդ մը երկու մարդ կ'արժէ, կ'ըսէր գաղտնի ոստիկանը ինքնիրեն : Աներկիւզ կ'ոպասեմ այդ երկու ապիրատներուն : Սակայն այս գիշեր պիտի չձերբակալեմ զանոնք, վասնզի տակաւին շօշափելի ապացոյցներ չունիմ անոնց յանցապալատութեանը մասին : Պէտք է որ փորձեմ խաբել զանոնք : Եթէ կարենամ հաւատացնել անոնց թէ սպաննած են զիս, յետոյ դիւրաւ նեզը պիտի խօթեմ զանոնք :

Վարպետը սպասեց որ մութը բոլորովին տիրէր և գործարանին աշխատսւթիւնը դազրէր : Յետոյ, իրիկուան ժամը 9ին միջոցները, պանդոկին ետեւի կողմի մեծ զունէն դուրս ելաւ և ձէքը Մարշալի գործարանը գնաց : Զէնքին բակը մտնելէ առաջ պարտաւորուեցաւ խիստ բարձր պատի մը վրայէն մազլցիլ : Բաւական ատեն պահութանցաւ մութ անկիւն մը, ուրկէ կրնար անցած դարձածը դիտել : Այսպէս սպասեց մինչեւ որ մարդ չմնար այեւս շէնքին մէջ,

Ցորեկին իմացած էր արդէն թէ գործարանին գիշերապահը ժամը 2ին ետք կը սկսէր իր կանոնաւոր պտոյտներուն : Հետեւապէս կրնար գործել առանց տեսնուելու : Նախ և առաջ ուզզուեցաւ դէպի երեք ծինելոյզներուն ամէնէն բարձրը : Իր բանալիներուն չորհիւ դիւրութեամբ բացաւ կաթսաներուն սենեակը, ուրկէ կը բարձրանար այդ ծինեցոյզը : Նոյնքան դիւրութեամբ հասաւ անոր ստորառը զըտ-

նուած երկաթեայ պզտիկ դրան առջեւ : Մոտաւ ծուխի մեծ խողովակին մէջ և քանի մը վայրկեան ետք գոհունակութեան թեթեւ աղաղակ մը արձակեց :

Ծինելոյզին տակը ծածկուած էր մուրի թանձր խաւով մը, որուն վրայ որոշապէս կը տեսնուէր հրացանի բունի մը դրումը :

Անմիջապէս դուրս ելաւ և հոնկէ ստուգեց թէ կարելի էր այդ ծինելոյզին վերի կողմը իբր թաքստոց գործածել, մէկուն վրայ կրակ ընելու համար : Յետոյ գնաց կայարանին կողմը գտնուող ծինելոյզը և հոն ալ մինենոյն բանը հաստատեց : Մինչեւ խողովակին կատարը տանող երկաթեայ նեղ սանդուղէն ելաւ և եզերքին վրոյէն վար ծռեցաւ : Իր ելեքտրական լապտերովը լուսաւորեց քարէ աշտարակին ներսի կողմը և մուրով ծածկուած եզերքին վրայ նշմարեց քանի մը մատներու խիստ որոշ նշանը :

Քննութեան այս սկզբնաւորութենէն գոհ մնալով, վար իջաւ, դուռները խնամքով գոցեց և իր պանդոկը դարձաւ :

— Ծուտով ձեր օձիքը պիտի բռնեմ, չարագործնե՛ր, ըստաւ : Այդ ծինելոյզներու բարձունքէն արձակած էք խորհրդաւոր զնդակները :

Դուրս ելած ճամբայէն մոտաւ պանդոկը, ինքնիրեն ըսելով թէ շէնքին առաջակողմը անշուշտ հսկողութեան տակ էր : Նոյն այդ պատճառով, լոյսը վառ ձգած էր սենեակին մէջ, որուն դուռը գոցած և բանալին միատեղ առած էր : Կը խորհրդ թէ ո՞րչափ առեն որ լոյսը վառ մնար, ապիրատները պիտի չնամարձակէին իր սենեակը մտնել :

Դարձին, փութաց ամէն բան քննել սենեակին մէջ, բայց անսովոր բան մը չգտաւ : Կիսովին հանուեցաւ և անկողին մատաւ : Ժամը 11:30 էր երբ լոյսը մարեց : Սակայն սենեակը բոլորովին չմթնեց : Փողոցին լապտերները տարտամ լոյս մը կը դրէին, որով կարելի էր առարկաները որոշել :

Վարպետը, վերմակին տակ, մէջ մէկ ատրճանակ բռնած էր իւրաքանչիւր ձեռքին մէջ : Կ'ուզէր որ ի հարկին կարենար ինքինքը պաշտպանել : Եթէ ծինելոյզին բարձունքէն երկու ծերունիները սպաննող չարագործը իր սենեակը գար, զաղտնի սստիկանը առաջնակարգ նշանառուի մը հետ

գործ պիտի ունենար : Բայց հաւանական չէր որ մարդը իր զէնքը գործածէր պանդոկին մէջ : Աղմաւկը պիտի մասնէր զինք և որովհետեւ Փինքէրթընի սենեակը երկրորդ յարկը կը գանուէր, աւաղակը դժուարաւ պիտի կրնար խոյս տալ :

Փինքէրթըն կը կարծէր թէ անիկա ուրիշ զէնք մը պիտի գործածէր : Եթէ փորձէր դաշոյնով սպաննել զինք, գաղտնի սստիկանը պիտի հարկագրուէր ձերբակալել զայն և ասիկա այնչափ պիտի խանգարէր Նաթ Փինքէրթընի ծրագիրները, որ հաստատապէս որոշած էր թողուլ որ փախչի :

Հեռաւոր եկեղեցիի մը զանգակատունը կէս գիշեր գարկաւ : Գաղտնի սստիկանը պառկած էր, աչքերը խոշոր խոշոր բացած, ուշադրութեամբ մտիկ ընելով ազմուկներուն :

Խորունկ կերպով շունչ կ'առնէր, գրեթէ կը խորդար, կարծել տալու համար թէ կը քնանար կառւփները սեղմած այն պարագային համար, ուր մէկը դրան առջեւ լրտեսէր :

Առառան ժամը մէկ : Կասկածելի ամենադոյզն աղմուկ մը չկար : Վերջապէս իր վախերը կրնային չիրականանալ : Սակայն ճիշդ այն պահուն, ուր Փինքէրթըն այս խորհրդածութիւնը կ'ընէր, իրեն անանկ եկաւ թէ դուռը թեթեւապէս կը կռնչէր :

— Վերջապէս, մըմոաց գաղտնի սստիկանը : Եւ սկսաւ խորդալ երգէսնի փողի մը պէս : Կարծես թէ մէկը ագռաւուկ մը (թաշշան քիլիտի) կը մտցնէր գականքին մէջ և կը փորձէր բանալ :

Սակա հինգ վայրկեանի չափ տեւեց : Յետոյ փականքը տեղի տուաւ : Դուռը յամբօրէն և առանց ամենադոյզն աղմուկի դարձաւ իր ծինիներուն վրայ ու սեւ գլուխ մը ներս սպրդեցաւ : Խոշոր թիազոյն մօրուք կրող մարդ մը անկողին կողմը նայեցաւ :

Նաթ Փինքէրթըն աչքերը գոցած կ'երեւէր, բայց արտեւանունքին միջեւ բացուած աննշմարելի ճեղքուածքէ մը կրնար դիտել նորեկը : Եթէ հրացանի մը կամ ատրճանակի մը փողը տեսնէր, պիտի չվարանէր ճեռքը վերմակին տակէն դուրս հանել և ամէնէն առաջ կրակել :

Բայց մարդը զինուած չէր : Սենեակին ներս մտնելէ նար Փինքէրթըն

վերջ հանդարտութեն գոցեց դուռը, վայրկեան մը կանգ առաւ և նորէն նայեցաւ անկողնին կօզմը: Յետոյ քայլ առքայլ յառաջացաւ մինչեւ անկողնին քով դրուած սեղանը: Զեւքը բոնած էր կոնաձեւ թուղթ մը որուն մէջ գտնուած նուրբ փոշիէն պտղունց մը առաւ ու սեղանին վրայ գտնուած ջուրի լիցին մէջ լեցուց յամրօրէն: Այս գործը տեսնելէ ետք քանի մը քայլ նահանջեց, ոռւտ քուն եղողին վրայ ակնարկ մը ձգեց և պատրաստուեցաւ սենեակէն մեկնելու:

Այն ատեն գաղտնի ոստիկանը հանճարեղ գաղափար մը ունեցաւ: Իրեն համար կարելի էր անմիջական կերպով հաւատացնել ո՞րազործին թէ ինքզինքը նեղիչ ոստիկանի մը ձեռքէն աղատելու իր ծրագիրը յաջողած էր: Զգոււեցաւ և աղմկալի կերպով յօրանջեց, որպէս թէ խորունկ քունէ մը կ'արթնար:

Չարազործը, վախնալսվ որ կը նշմարուի, անմիջապէս պահութեցաւ զգեստակալին ետեւ, որ սենեակին ծայրը դրուած էր:

Քինքէրթըն նորէն ձգտուեցաւ: Յետոյ նստաւ:

— Անիծեալ տաքութիւն, ըսաւ: Այս վատարանները անտանելի են: Կոկորդս արէթի պէս չորցած է:

Անկողնէն ելաւ, սեղանին մօտեցաւ և շիշին ջուրէն լեցուց գաւաթին մէջ:

— Ա՛ն, ասիկա կը զովացնէ, ըսաւ զո՞ս որտով մը: Շատ չեմ սիրեր զորտերու այս շամբանեան, բայց երբ ուրիշ բան չկայ, պէտք է ասով գոհանալ:

Դաւաթը շրթունքին տարաւ և երկար ումպերով խմել ձեւացուց: Իրականին մէջ ջուրը շապիկին և մորթին միջեւ կը հոսեցնէր այնպիսի ճարտարութիւնով մը որ մարդառպանը անշուշտ չէր կրնար նշմարել:

Վայրկեան մը ետք, ձեռքը սիրտին տարաւ, երերաց և երեսի վրայ ինկաւ խուլ հեծեծանք մը արձակելով:

— Կայծակ, մրմար: Ի՞նչ է աս: Զուրը թունաւորուած է: Կորուած է եմ:

Քանի մը քայլ առաւ դէպի զանդակին չուանը յետոյ ողբալի հեծեծանքներով, նորէն ինկաւ տախտակամածին վրայ, ուր գալարումներ ունեցաւ, որոնք անողորմ ժպիտ մը առաջ բերին մարդառպանին դէմքին վրայ: Կուրծքին

վրայ կը սեղմէր — որպէս զի չարագործը չկարենայ տեսնել — իր լեցուն ատրճանակը, զոր պատրաստ կը պահէր այն պարագային համար, ուր նորեկը ուզէր դաշոյնի հարուածով մը աւարտել իր գործը:

Վերջապէս իր ջղաձգական շարժումները դագրեցան: Յետոյ կռնակի վրայ դարձաւ և վերջին անգամ խոպտու ու խորունկ հառաջ մը արձակելէ ետք, անշարժ մնաց: Զգեստի դարանին ետեւ պահուած մարդը սկսաւ մեղմիւ ինդալ հեգնական շեշտով մը: Յետոյ թաքտոցէն դուրս ելաւ, գաղտնի ոստիկանին մօտեցաւ և ոտքի հարուած մը առւաւ անօր կողերուն:

— Ե՛ս ուրեմն, խորամանկ լրտես, ըսաւ յաղթականօրէն, վերջապէս վարպետդ գտար հէ: Այն որ մրանց Մէսընի հետ շափուելու վտանգին կ'ենթարկէ ինքզինք, առաջուրնէ յաղթուած է: Եթէ ասիկա զիտցած ըլլայիր, քու անպիտան մորթդ չէիր վտանգեր: Մարդիկ քիչ մը պիտք զարմանան երբ վաղ առառ գտնեն նիւ եօրքցի մե՛ծ ոստիկանին դիակը: Ա՛ն, ա՛ն, ա՛ն: Եւ ձեյմս էնտը շատ զո՞ս պիտի ըլլայ: Խնդալդ փորդ մնաց, նաթ Փինքէրթըն: Հարստանալ ուզող բարի մարդիկը ձանձրացնելդ վերջ գտաւ:

Ոտքովը առաջինէն աւելի զօրաւոր երկրորդ հարուած մը տուաւ գաղտնի ոստիկանին, որպէս թէ աւելի ապահով ըլլալու համար թէ մեռած էր: Քինքէրթըն շարժում մը չըրաւ: Այն ատեն մարդառպանը, իր ըրածէն զո՞ս, սկսաւ դարձեալ ինդալ և դուրս ելաւ ինչպէս եկած էր: Երբ դուռը գոցուեցաւ, Փինքէրթըն անմիջապէս ելաւ և բաձկոնը հագաւ: Պիլարկը դրաւ և պատրաստ գտնուեցաւ ճիշդ այն պահուն, ուր մրանց Մէսըն իր ագռաւուկը կը դարձնէր փականքին մէջ:

Փինքէրթըն, որ բանալին ձեռքը բռնած էր, դէպի դուռը վազեց ու բացաւ առանց ամենափոքր աղմուկի: Կէս բացուածքէն տեսաւ չարագործը, որ իւզով վառող քանի մը կանթեղներէ տարտամօրէն լուսաւորուած նրբանցքէն կ'անցնէր և սանդուղէն կ'իջնէր:

Գաղտնի ոստիկանը անոր հետեւեցաւ անշատկ: Մէսըն մտքէն չէր անցըներ թէ իր ետեւէն կուգար այն մարդը, զոր սպաննած ըլլալ կը կարծէր:

Մարդասպանը առաջին յարկը հասաւ առանց մէկու մը հանդիպելու: Հօն, նրբանցքին մէկ պատուհանը բացաւ, որ բակին վրայ կը նայէր, որունքը բանալով անցաւ յենարանէն և շանթարգելին խողովակին երկայնքն ի վար սահեցաւ իջաւ: Բակին շուրջը պատ մը կար, որուն հետեւ կողմանակի փողոց մը կը գտնուէր: Մէսըն, կապիկի մը ձկունութեամբ և գիւրաշարժութեամբ, մադլցեցաւ այդ պատէն:

Բայց ճկունութեան և գիւրաշարժութեան մէջ Փինքէրթընի հաւասարող չկար: Ուստի քանի մը վայրկեանէն փողոցին մէջ հասաւ Մէսընի, որուն հետեւած էր պատուհանէն և շանթարգելին երկայնքէն:

Անդամ մը փողոց ելլելուն պէս, հետապնդումը տղու խաղ մըն էր այլեւս:

Զարագործը բաւական երկար շրջաններ ըրտւ և վերջապէս մտաւ այն փողոցը, ուր կը բնակէր ձեյմս ինտըր: Փինքէրթըն այդ փողոցը գիտէր արդէն:

Դործակատարը կը բնակէր վարձու տան մը առաջին յարկը: Դրան բանալին Մէսընի քով էր: Բացաւ որպէս թէ իր տունը եղած ըլլար, յետոյ գոցեց և Փինքէրթըն լսեց որ սանդուղէն կ'ելլէր: Վայրկեան մը ետք գաղանի ոստիկանին ազուաւուկը իր պաշտօնը կատարած էր և նաթ ոճագործին հտեւէն վեր կ'ելլէր:

Եօյն առտուն իսկ արդէն այդ տունը եկած էր ձեյմս ինտըրի սպասուհին հարցովննելու համար և բաւական ծանօթ ըլլալով յարկաբաժինին, գիտէր թէ ուր պիտի երթար: Ուստի մութ նախասենեակէն սպրդելով գնաց մինչեւ գործակատարին դրան առջեւ: Հօն խոհեմարար ականջը դրաւ փականքին ծակին և երկու չարագործներուն խօսակցութենէն բառ մը իսկ չկորսնցուց:

— Քեզի կ'ըսեմ թէ, կը յայտարարէր Ֆրանց Մէսըն դժուարութեամբ, — վասնզի շունչը կտրած էր — , քեզի կ'ըսեմ թէ զանդուածի մը պէս ինկաւ: 2—3 անդամ փորձեց քիչ մը ոդ առնել, տախտակամածին վրայ գալարուեցաւ կախաղան հանուածի մը պէս և յետոյ մնա՞ս բարով: Վերջացա՛ծ էր: Ոտքի երկու բուռն հարուածներ տուի, որոնք կարող էին զինքը արթնցնել եթէ բոլորովին մեռած

չըլլար: Բայց բնաւ չարժեցու այլեւս: Վերջապէս ահա մեռաւ այդ պատու լրտեսը:

— Հիանալի՛ է ատթիկա, պատասխանեց էնտըր զմայշանքով: Գիտե՞ս, այդ մարդուկը բուռն գարշանք մը կը պատճառէր ինծի: Վատահ եմ թէ ուշ կամ կանուխ ձերքակալել պիտի տար մեզ: Աղէկ աշխատեցար, Ֆրէնց, կը չնորհաւորեմ քեզ և երբ ժառանգութեանս տիրանամ, ճոխ կերպով պիտի վարձատրեմ քեզ, վատա՛հ եղիր:

— Անշուշտ վստահ եմ, պատասխանեց Մէսըն: Արդէն խօրհուրդ պիտի չտայի որ իմ քիթիս խնդաս...: Գիտես թէ իմ հրացանս ճիշդ նշան կ'առնէ և թէ հարուածս չի վրիպիր, նոյն իսկ մեծ հեռաւորութենէ մը:

— Նշմարեցի, ըսաւ էնտըր ջղալին իննդուքով մը: Աղէկ միտքս ինկաւ, Ֆրէնց, տակաւին քեզի ընել տալիք բան մը ունիմ:

— Ի՞նչ է, ըսաւ մարդանպանը:

— Ահաւասիկ.— Այդ Փինքէրթընը շատ մը բաներ իւմացաւ: Լաւ հետքի մը վրայ էր և կրնաս ինքինքու չնորհաւորել մեռած ըլլալուն համար: Սյս առտու սպասուհիս հարցաքննեց և այդ տիսմարը ըսաւ անոր թէ սովորութիւն չունէի առտու պտոյտ մը ընելու: Եւ յետոյ, իմացեր է նաև, չեմ գիտէր ի՞նչպէս: Թէ աւրուած էի հօրեղբօրս՝ Սթիուարդի հետ, որուն մահը կը հարստանէ զիս: Ես ասիկա քննիչ Ռօպինի քանի մը ակնարկութիւններէն հասկցաւ:

— Ի՞նչ աւանակ է այդ Ռօպինը, պիտի պոռար Փինքէրթըն, որ տակաւին մտիկ կ'ընէր:

— Եւ յետոյ, հարցուց Մէսըն: Եթէ այդ լրտեսը շատ բան իմացաւ, ի՞նչ վնաս ունի քեզի, քանի որ մեռած է:

— Շատ վնաս ունի...: Ուրիշ մէկն ալ կայ, որ անհետանալու է:

Մէսըն չհասկնալ ձեւացուց:

— Ո՞վ է, հարցուց կոշտարար:

— Քննիչ Ռօպինն է...: Անիկա շատ բան գիտէ: Փինքէրթըն ամէն բան ըսաւ անոր և այդ լրտեսին տեղեկագիրներուն արդիւնքը կասկածի կ'ենթարկէ զիս:

— Շատ աղէկ, ըսաւ Մէսըն չնական ծիծաղով մը: Այն ատեն անոր հաշիւն ալ պիտի կարգադրուի, ահա այսչափ...: Սովորական եղանակով, այնպէս չէ:

— Անշուշտ :

— Եւ ե՞րբ :

— Վաղը չէ միւս առառու : Ասիկա գործիդ կուզա՞յ :

Պիտի երթամ արթնցնեմ Ռօպինը և պիտի ըսեմ թէ նորէն լսեցի պայթումի մը չոր և խուլ ազմուկը գործարանին շրջականերուն մէջ : Բնականաբար ինծի հետ պիտի գայ աեսնելու համար թէ երրորդ ոճի՞ր մը գործուած է և պիտի չվարանի, — տխմար է, բայց խարեբայ չէ, պիտի չվարանի ընկերանալու ինծի մինչեւ այն տեղը, ուր ձեքը պարշալ զարնուեցաւ : Այն ատեն, առաջին անդամուան պէս, ճերմակ թաշկինակս պիտի շարժեմ ու դուն ծխնելոյզիդ բարձունքէն կրակ պիտի ընես :

— Հասկցայ, յայտարարեց Մէսըն : Իմ կայանս պիտի գտնուիմ և գնդակս այդ մարդէն ալ պիտի ազատէ մեղ :

Փինքէրթըն լսեց որ թուզթեր կը ճմրթկէին սենեակին մէջ :

— Ա՛ռ, ահաւասիկ հաղար տոլար ես, ըսաւ ձեյմս ինտըր : Գիտես որ բո՛ւն վարձատրութիւնը պիտի ստանաս երբ ես ժառանգութեանս տիրանամ :

— Եատ աղէկ, պատասխանեց Մէսըն : Հիմակ ես կ'երթամ : Ուրեմն վաղը չէ միւս առառու, սովորական ժաման :

— Հոն պիտի գանուիմ ուս տխմարին հետ : Այնպէս ըրբէ որ կողմնակի կրակ չընես : հէ :

— Աղէկ գիտես որ ատանկ բան չի պատահիր : Ի տեսութիւն : Աղէկ քուն մը քաշէ : ձեյմս :

Նաթ Փինքէրթըն վար իջած էր արդէն երբ չարագործը գուրս ելաւ ինտըրի սենեակին : Վարը, բակին մէջ պահուրտեցաւ և թողուց որ Ֆրէնց Մէսըն փողոցին մէջ հեռանայ : Յետոյ ագռաւուկովը բացաւ գոււը և իր օթէլը դարձաւ : Կը կարծէր թէ կրնար այդ գիշերը խազաղօրէն հանգչիլ այլ ես : Բայց ո՛ և է նախզգուշութիւն զանց չըրաւ : Դրանը առջեւ ծանր առարկայ մը գրաւ, որ պիտի իյնար երբ փորձէին բանալ և որուն աղմկալից ձայնը պիտի արթնցնէր զինք : Յետոյ բանալին երկու անդամ դարձուց փականքին մէջ :

Բայց անշուշտ Մէսըն և ինտըր շատ հանգիստ էին և իր մեռած ըլլալուն մասին ապահով էին, վասն զի կրցաւ մինչեւ առառու քնանալ առանց խանգարուելու : Ո՛չ ոք չփորձեց իր սենեակը մտնել :

ԾԽՆԵԼՈՅԶԶԻՆ ԲԱՐՁՐԻՆՔԵՆ

Փինքէրթըն առառուն կանուխ ելաւ, պանդոկասկեաը կանչեց ու երկար տեսակցութիւն մը ունեցաւ այդ մարդուն հետ : Պանդոկապետը հաւանեցաւ ընել ինչ որ գաղտնի ոստիկանը կը խնդրէր իրմէ : Անմիջապէս իր պաշտօնեաներէն մէկը զրկեց ոստիկանատուն, ինդրելու համար քննիչ Ռօպինէն որ անմիջապէս պանդոկ գայ : Ռօպին գրէթէ իսկոյն եկաւ և Փինքէրթըն անոր տեղեկացուց իր լզացած ծրագրին մանրամասնութիւնները :

Գաղտնի ոստիկանը նոյն առիթով չկրցաւ ամենախիստ յանդիմանութիւններ չընել գործակատարին հանդէպ իր ցոյց տուած անդաղտնապահութեանը համար : Ռօպին, որ բաւական ամօթանար եղած էր, ներումի քանի մը խոսքեր ըրաւ և խոստացաւ ամէն կերպով համակերպիլ Փինքէրթընի հրահանդներուն, վասն զի թէեւ անիկա իր բոլոր իմացածները չէր հաղորդած իրեն, կը հասկնար վերշապէս թէ ձեյմս ինտըր զլիսաւոր յանցանքը ունէր այս գործին մէջ :

Նոյն օրուան առառուն, քաղաքին թերթերէն մէկը յաւելուած մը հրատարակեց, որ զլիսաւորապէս նուիրուած էր հետեւեալ լուրին :

«Մեր քաղաքին լաւագոյն պանդոկներէն մէկուն մէջ գտնուեցաւ դիակը վայելուչ կերպով հագուած պարոնի մը, որ անապարանքով կանչուած բժիշկներու կարծիքին համեմատ, թունաւորուելով մեռած էր : Անկողնին քովի սեղանին վրայ դրուած շիշին ջուրը տարրալուծուելով հաստատուեցաւ թէ անիկա թոյնի բաւական մեծ քանակութիւն մը կը պարունակէր : Մինչեւ հիմա դրապէս հաստատուած մը կը պարունակէր : Մինչեւ հիմա դրապէս հաստատուած մը թէ գործուածը ոճի՞ր մը թէ անձնասպանութիւն մըն է, չէ թէ գործուածը ոճի՞ր մը թէ անձնասպանութիւն մըն է, բայց հաւանական է որ այդ պարոնին մահը կամաւոր է, վասն զի իր բնակած սենեակին դուռը բանալիով գոցուած փառակած էր իր զրպանը կը գտնուէր, այնպէս որ էր ու այդ բանալին իր զրպանը կը գտնուէր, այնպէս որ գժուար է ընդունիլ թէ օտար անձեր կրցած ըլլան սենեակը մտնել : Կը կարծուի թէ մեռեալը նիւ Եօթքի գաղտնի ուղարկուած էր աստիկան մըն է, բայց իմանութիւնք հիմակուհիմա չեն ուզեր անոր անունը տալ» :

Նաթ Փինքէրթըն ինք խմբագրած էր այս ծանուցումը և իրիկուան թերթերէն խնդրած էր հրատարակել զայն: Այս կերպով, կը խորհէր, ոճրագործները բոլորովին պիտի ապահովուէին և պիտի շաբանէին յաջորդ առաջան համար իրենց պատրաստած ծրագիրը գործադրելու:

Դաղտնի ոստիկանը այդ օր պանդոկէն դուրս չելաւ: Պատուհանն ալ չերեցաւ և մինչ պահուըտած էր հաստ վարագոյրներուն ետեւ, նշմարեց սեւ մօրուքով մարդը, որ պանդոկին առջեւէն կ'անցնէր կը դառնար քանիցս:

Կէս օրէն ետք, գործակատար ձէյմս ինտեր պանդոկին գրասենեակը երթալով ուզեց մեռեալը տեսնել: Պանդոկապետը պատասխանեց թի ոստիկանութիւնը արդէն կնքած էր սենեակը, ուր կը հանգչէր տարաբախտ դաղտնի ոստիկանը և աւելցուց թէ նոյն իրիկուն իսկ նիւ Եօրք պիտի փոխադրէին զայն:

Ինտըր, շատ գոհ մնալով, անմիջապէս հեռացաւ, բնաւ չկասկածելով թէ զարհուրելի ոստիկանը ողջ էր:

Փինքէրթըն ամրող օրը իրեն հետ անցընազ քննիչ Բոպինէն իմացաւ թէ Ֆրէնց Մէսըն, սեւ մօրուքով մարդը, Մարչալի գործարանին գիշերապահն էր: Հետեւապէս դըռուարութիւն չունէր առաջուն կանուխ դանուիլ այն տեղը, ուրիէ մեկնած էին հրադէնի հարուածները:

Փինքէրթըն ոստիկանապետին բան մը ըստած չէր այն մահափորձին վրայ, զոր երկու չարագործները դաւադրած էին իրեն դէմ: Կը վախնար օր Բօպին ինքզինքը կը մատնէր աննկատ խորհրդածութիւնով մը կամ չուզելով հետեւիլ էնտըրի, երբ անիկա յաջորդ առաջու զար զինքը տառնելու համար:

Անշուշտ աւելի աղէկ էր օր քննիչը բնաւ չդիտնար թէ ինչ պիտի պատահէր: Եոյնպէս մասնաւոր դիտումով էր օր Փինքէրթըն վար դրած էր զայն իր քովը: Զէր ուզէր օր ձէյմս ինտըր առիթ ունենար անոր հետ տեսակցելու:

Օրը անցաւ այսպէս գաղտնի ոստիկանին համար խիստ դանդաղ կերպով, օր իր անշարժ մնալուն համար բաւական սրտնեղած էր: Մութը կոխելուն պէս, քննիչը իր զրասենեակը գնաց, յետոյ տուն դառնալով անկողին մտաւ, բնաւ մտքէ չանցընելով թէ յաջորդ օրը արշալոյսէն առաջ պիտի արթննար:

Գալով Փինքէրթընի, անիկա քանի մը ժամ քնացաւ պանդոկին մէջ:

Երբ լոեց օր ժամը 1 կը զարնէր, ելաւ և ձէքըպ Մարշալի գործարանը գնաց: Պատէն մազլցեցաւ, ինչպէս ըրած էր առաջին անգամ մը ու պահուըտեցաւ բակին մէջ: Հարկ էր որ ծայրայեղ խոնեմութիւն ցոյց տար, վասնզի գիտէր թէ Ֆրէնց Մէսըն երբեմն պտոյտներ կ'ընէր գործարանին զանազան տեղերը:

Եւ արդէն քանիցս նշմարեց զայն և դիտեց օր զիշերապահի իր խցիկին մէջ գաղտնի գարանէ մը կ'առնէր Վինչութըրի գեղեցիկ հրացան մը:

Դաղտնի ոստիկանը, օր դուրսը, խցիկին պատուհանին մօտ կեցած էր, կրնար ներսը տեսնել խիստ որոշ կերպով: Հաստատեց թէ չարագործը երկու գնդակ հրացանին և քանի մը գնդակներ ալ զրպանին մէջ կը դնէր:

Յետոյ զիշերապահը տեղը դրաւ, լավտերը առաւ և նոր պտոյտի մը սկսաւ: Հազիւ թէ մեկնած էր, Փինքէրթըն փութաց խցիկէն ներս մտնել: Մէսըն, օր վրստահ էր թէ բանէ մը վախնալու պատճառ չունէր, դուռը բաց ձգած էր և գաղտնի ոստիկանը շուտով ինքզինք գտաւ դարանին առջեւ: Ճարտարօրէն պատրաստուած իր ագռաւուկներուն միջոցաւ մէկ հարուածով բացաւ զայն, գաղտնի խորշը գտաւ, հրացանը տառաւ և գնդակները հանեց: Յետոյ հրացանը տեղը դրաւ, դարանը դոցեց և աճապարանքով հեռացաւ:

Առտուան ժամը 4 ին միջոցները, Ֆրանց Մէսըն իր խցիկը եկաւ հրացանը առնելու համար: Յետոյ փութով գնաց առաջին ծխնելոյզին մօտ, զոր Փինքէրթըն քննած էր ամէնէն առաջ:

Դաղտնի ոստիկանը խիստ մօտէն կը հետեւէր անոր: Տեսաւ օր անիկա կաթսաներու սենեակը ու, հոնկէ ծխնելոյզին մէջ մտաւ երկաթեայ փոքր դուռնէն: Հրացանը ուսընդանութ առած էր և ներքին սանդուղին վեր ելաւ կամաց կամաց:

Փինքէրթըն ծխնելոյզին մէջ հետեւեցաւ անոր և երբ Մէսըն, ամէնէն վերը հասնելով խոնեմարար գլուխը ծռեց արտաքին եղերքին վրայէն, գաղտնի ոստիկանը անիկ քանի մը աստիճան վար կը դանուէր:

— Ահա կուգայ Մր. Ռօպինը, մրմռաց սճրագործը: Հիմա կրնաս գալ. զնդակներո պատրաստ են և ձեռքէս պիտի չփախցնեմ քեզ:

Հրացանը եղերքին վրայ կրթնցուց, բացաւ և փողը քննեց:

— Կայծակ, պոռաց յանկարծ. զնդակները ո՞վ հաներ է:

— Ե՞ս, պատասխանեց խորունկ ձայն մը, որ ծինելոյդէն կուգար, իր շատ մօտէն:

Սարսափի առաջին վայրկեանին մէջ, ապիրատը մինչեւ վերջին աստիճանը ելաւ և ծինելոյդին եղերքին վրայ կեցաւ: Գաղտնի ոստիկանը բոպէի մը մէջ անոր ետեւէն հասած և կոկորդէն բռնած էր:

Մէսըն, սարսափէն ջլատուած, անդունդին վերեւ նրատած էր: Հրացանը ինկաւ դողդղացող ձեռքերէն և սոսկալի աղմուկով մը գնաց ոստոստեց կաթսաներու սենեակին տանիքին վրայ:

Սեղմուած կոդորդին խորէն հառաջանք մը ելաւ: Տարապայման կերպով բացուած իր աչքերը չեր հեռացնէր այդ մարդէն, զոր մեռած կը համարէր և կարծեն թէ գերեղմանէն դուրս ելած էր իր ոճիրները պատժելու համար:

Այսու հանդերձ պաղարիւնութիւնը վերստացաւ քիչ մը և դիմադրելու համար յուսահատական ճիգ մը բրաւ: Բայց լախտը, զոր գաղտնի ոստիկանը պատրաստ բռնած էր ձախ ձեռքին մէջ, անոր քունքերուն վրայ իջաւ և զիտակցութիւնը կորսնցնել տուաւ:

Փինքէրթըն հետուն նայելով, տեսաւ որ ոստիկանական քննիչ Ռօպին և գործակատար ինտըր կը գտնուէին ճիշդ այն տեղը, ուր ճէքը Մարշալ սպաննուած էր:

Այն ատեն խողովակին մէջ անհետացաւ իր կալանաւորին հետ:

Կը մնար կատարել դժուարին գործ մը, — նուազած թշուառականը կոնակը առնելով երկաթեայ նեղ սանդուզէն իջնել: Իր չերքիւլեան ոյժին և իր աննուած կորովին չնորհիւ հինգ վայրկեանէն կրցաւ առանց արկածի գետին դնել իր ծանր բեռը: Փութաց աւազակին ոտքերն ու ձեռքերը կապել: Յետոյ, բակին բանլիքը առնելով անոր գըր պանէն, քանի մը անդամ սուրեց և ոստիկաններ կանչեց, որոնց յանձնեց իր կալանաւորը:

Ֆրէնց Մէսըն դիտակցութիւնը վերստացած էր և զիւահարի մը պէս կ'ոռնար: Փինքէրթըն այլ ևս հոգ չըրաւզայն, ու մինչ ոստիկանները բանտ կը տանէին մարդասպանը, ինք փութաց ձերբակալել գործակատար ճէյմս Էնտրըլը:

Առտուն, իր դրան զարնուած ուժգին հարուածներ ընդուսած արթնցուցած էին քննիչ Ռօպինը: Երբ կինը եկաւ ըսաւ իրեն թէ ճէյմս էնտրը կը խնդրէր անմիջապէս տեսնել զինք, գլուխոր պատուհանէն դուրս հանեց ու պոռաց, քունը գլուխոր ըլլալով տակաւին.

— Ի՞նչ կայ: Կ'ենթադրեմ թէ նոր ոճիր մը չէ գործուած:

— Էնդհակառակը, կը վախնամ որ ոճիր մը գործուած ըլլայ, պատասխանեց գործակատարը: Մր. Մարշալի սպանութեան օրը իմացածիս նման հրազնի երկու հարուածներու ձայնը լսեցի: Եկայ աղաչելու ձեզի որ ընկերանաք ինձի և տեսնէք թէ ի՞նչ պատահած է:

Ոստիկանութեան պետը տպաւորուեցաւ ճէյմս էնտրը անձկալից շեշտէն և յուղումէն:

— Եկէ՛ք, եկէ՛ք, կը կրկնէր: Ժամանակ չկորսնցնենք:

— Եկայ, պատասխանեց Ռօպին, որ սենեակը քաշուեցաւ, հապենպով հագուեցաւ և էնտրը քով գնաց:

— Կարծեմ թէ աղէկ պիտի ընենք եթէ ճէքը Մարշալի ինկած տեղը երթանք, ըսաւ գործակատարը:

Այդ ուղղութեամբ վազեցին: Էնտրը ենթադրութիւններ կ'ընէր, մինչ Ռօպին ջզայնու, տենդային սարսուափ մը ննթարկուած, խօսելու ոյժ չունէր:

Մրշալոյսը ծագելու վրայ էր: Փողոցներուն մէջ մարդ մարդասանք չկար: Բոլոր տունները գոց էին: Քանի մը վազայարոյց կամ յապաղած և խիստ արագ գացող անցորդներու քայլերը միայն կը հնչէին լուսութեան մէջ:

Ցասը վայրկեան ետք հասան աղետալի վայրը: Էնտրը հեղնական դէմքով մը և կողմնակի կերպով կը նայէր քննիչ Ռօպինի:

— Քիչ մը ետքը այլ ևս հոգ պիտի չպատճառէ ինձի այս մարդը, կ'ըսէր ինքնիրեն:

Յանկարծ կեցաւ ճիշդ այն տեղը, ուր ինկած էր տարաբախտ Մարշալ:

— Հոս է որ սպաննուեցաւ տարաբախտ բաթուօնս, ըստ: Ուր կրնայ ըլլալ այս խորհրդաւոր սպաննութեան նոր զոհը:

Խօսելով մէկտեղ, էնտըր գրապանէն թաշկինակը հանած էր և զգեստին փոշիները կ'առնէր յայտնի կերպով: Բայց ի դուր սպասեց հրազէնի հարուածին:

— Աւելի հեռուն երթանք, ըստ ոստիկանապետը: Ինչպէս կը տեսնէք, հոս բան մը չկայ:

Գործակատարը կը շարունակէր իր թաշկինակը երերցընել: Սկսաւ ծինելոյզին կողմը նայիլ և քիթին տակէն բան մը մրմռաց: Ռօպինի այնպէս եկաւ թէ հայնոյութիւն մը լսեց:

— Սպասեցէք տակաւին, Մր. Ռօպին, ըստ խոպոտ ձայնով մը:

Եւ ակնարկը դարձեալ ծինելոյզին ուղղուեցաւ այնպիսի պնդումով մը որ քննիչը հետաքրքրուելով, վերջապէս ըստ:

— Կերը, օդին մէջ ի՞նչ կը փնտռէք . . . : Եկէք, յառաջանանք: Աւելի հեռուն երթանք: Պէտք է գտնենք այնմարդը, որուն վրայ զէնք պարզուած էր, քանի որ պայմումի ձայն առիք:

Էնտըր պահ մը խորհրդածեց, յետոյ քննիչին հետեւեցաւ, որ արդէն քանի մը քայլ յառաջացած էր:

Գործակատարը պահ մը ետք դարձեալ կեցաւ:

— Կարելի՞ բան չէ, պոռաց: Ես ակաջովո լրեցի . . . : Ետ դարձէք, Մր. Ռօպին:

— Բայց վերջապէս, ըստ ոստիկանապետը կասկածելով, չեմ հասկնար թէ ի՞նչ ըսել կ'ուզէք . . . : Ինչո՞ւ այդտեղը դառնանք: Արդեօք պատահաբար ինծի դէմ բանի մը ձեռնարկելու միտք ունիք: Ճիշդը ըսելով, ձեր ընթացքը շատ կասկածելի կ'երեւայ ինծի:

Ճէյմս էնտըր ջղային քրքիչ մը արձակեց:

— Ի՞նչպէս կը համարձակիք այդ բանը ըսելու ինծի, պոռաց: Աւելի հեռուն երթանք, քանի որ այնպէս կ'ուզէք: Վերջապէս ինծի համար ամենքը մէկ է:

Զայնը վեհերոտ ու վարանոտ չէտ մը կ'առնէր: Քննիչը զարմանքով նայեցաւ անոր:

— Ի՞նչ ունիք, հարցուց:

— Աւելի հեռուն երթանք, կակաղեց ճէյմս էնտըր:

Քննիչին թեւէն բանեց ու քաշեց տարաւ: Ռօպին, որ մտահոգ էր, աչքէ չէր հեռացներ զայն և կը զգար որ իր մէջ կը զօրանար կ'ամրապնդուէր սա համոզումը թէ սուկալի վանդ մը կը սպասնար իրեն: Նեղ փողոց մը մտան և անկիւնը համնելով, լայն փողոց մը ելան, որ քաղաքին գլխաւոր ճամբաներէն մէկն էր:

— Այս պարուները ո՛ւր կ'երթան այսքան արագ, ըստ ուժգին ձայն մը իրենց ետեւէն:

Էնտըր սարսուաց և քիչ մնաց որ իյնար: Ետին գարձաւ սեւեւուն աչքերով և փրփրած շրթունքով: Դէմքը մեռելի մը պէս տժգունած էր:

— Նաթ . . . Փինքէրթը . . .

Զկրցաւ աւելի բան մը ըսել:

Գաղտնի ոտաիկանը հանդարտօրէն մօտեցաւ և իր ծանրձեռքը դրաւ էնտըրի ուսին վրայ: Ոճրագործը սարսափէն կը դողար սրունքներուն վրայ:

— Այս', Նաթ Փինքէրթըն է, ըստ: Ասիկա անհաճոյ անակնկալ մըն է, այնպէս չէ: Դուք կարծեցիք թէ ձեր Մէսըն ընկերը յաջողած էր թունաւորել զիս և թէ հիմա գաղտնի ոտաիկաններու դժոխքին մէջ կը գտնուէի: Բայց մեծապէս խարուած էք: Այս գեղեցիկ թռչունը որսացի գործարանին ծինելոյզին կատարին վրայ, երբ կը պատրաստուէր ձեր օձիքը ազատել նահեւ Մր. Ռօպինէն և հիմա բանտին չորս պատերուն մէջ կը գտնուի: Գալով ձեզի, կը ձերբակալեմ ձեզ, թշուառական վատ:

Խօսելով մէկտեղ, դրապանէն հանած էր պողպատեայ ձեռնակապը և ճէյմս էնտըրի դաստակներուն կ'անցընէր: Գործակատարը իրեն կը նայէր ապուշ կարած, որպէս թէ չէր կրնար հասկնալ որ անիկա ի՞նչպէս կ'ապրէր տակաւին:

— Եթէ գիտնայի . . . , մրմռաց վերջապէս:

Փինքէրթըն սկսաւ խնդալ, թշուառականին օձիքն բռնեց և պարտաւորեց զայն իր առջեւէն քալել:

— Կրնաք ինքինքնիդ չնորհաւորել, Մր. Ռօպին, ըստ:

սոտիկանապետին։ Այսօր կարդը ձերն էր և այս թշուառականը առաջուն չատ կանուխ ձեզ արթնցուցած էր, որպէսզի ձեր մարմնին մէջ ընդունել տայ սա ծխնելոյզին բարձունքն արձակուած գնդակ մը . . . ։ Վերջապէս վասանգը անցաւ։ Այս գարշելի չարագործները մեր ձեռքն են, Այլ եւս մարդ պիտի չսպաննեն։

Քննիչ Բօղին չպատասխանեց, բայց աչքերը ճարտասանօրէն կ'արտայայտէին իր սրտին զգացումները։ Այդ օրէն սկսեալ, Փինքէրթըն անկէ աւելի եռանդուն և աւելի անձնուէր հիացող մը չունեցաւ։

Ճէյս ինտըր բանտ տարուեցաւ և երբ իր դաշը եղեռնադատ ատեանին առջեւ եկաւ, որոշեց կատարեալ խոռափանութիւններ ընել։

Նախորդ երկու տարիներուն միջոցին, գործակատարը բազմաթիւ զեղծումներ գործած էր, Եւրացուցած դրամներուն գումարը աւելի քան 50,000 տոլարի կը համեմէր ի վեաս Մարշալի։ Առոտու մը, գործարանատէրը որ անկանոնութիւններ ու տոմարներուն մէջ չարձանագրուած գումարներ երեւան հանեց, բայց չէր կրնար զիտնալ թէ զեղծարարը ո՞վ էր, յայտարարեց թէ մասնագէտ հաշուակալի մը կոչում պիտի ընէր կացութիւնը հիմովին քննելու համար։

Ինտըր տեսաւ որ պիտի բռնուի, վասն զի իր գողցած դրամները սնտուկին դարձնելու կարողութեան մէջ չէր գտնուեր։ Այն ատեն էր որ գաղափարը ունեցաւ սպաննելու հօրեղբայրը՝ Ուիլելը Մթիուարթ, գողցած դրամները հատուցանելու համար այն դրամէն, որ իրեն պիտի մնար ձերունին մահուամբ, անոր միակ ժառանգորդը ըլլալուն համար։

Հիմակուհիմա փորձեց համոզել Մարշալը, որ մանագէտ մը բերել չտայ կամ գոնէ հաշուեքնութիւնը յետաձգէ։

Բայց ճէքը Մարշալ յամառ մէկն էր։ Միտքը դրածէն շեղիւ չէր ուզեր։ Այն ատեն գործակատարը յուսահատական նամակ մը զրեց իր հօրեղբօրը, անոր օգնութիւնը խնդրելով և յայտարարելով թէ մերժումի պարագային ուրիշ միջոց չունէր բայց եթէ ուզեղը պայթեցնել։ Եւ յետոյ, զգուշացաւ անոր ըսելէ թէ զեղծումներ գործած էր։ Միայն խօսքը

կ'ընէր խոշոր գումարի մը, որուն պէտք ունէր բացարձակապէս։

Պոօթբնէն ո՛ւ և է պատասխան չստացաւ և սակայն աղետալի օրը, մասնագէտ—հաշուարկին հասնելու օրը կը մօտենար։

Ինտըր խելքը կորսնցուց։ Յարաբերութեան մտաւ գործարանին զիշերապահ ֆրէնց Մէսընի հետ։ Եւ արդէն երկար ատենէ ի վեր կը ճանչնար զայն, երիտասարդութեանը ատեն վարած ըլլալով խիստ յուզումներով։ և ամէն տեսակ խարդախութիւններով ու զեղծումներով խառնուած կեանք մը, և այն ատեն յաճախ հանդիպած ըլլալով Մէսընի, որ վաղմի չարագործ մըն էր։

Ի՞նք էր որ ճէքը Մարշալի քով պաշտօնի գրած էր զայն իբրեւ զիշերուան հսկող, երբ անիկա օր մը ներկայացած եւ աշխատութիւն ուզած էր։

Անել կացութեան մը մատնուած ըլլալով, իր նախկին ընկերոջմէն խնդրեց օգնութեան հասնիլ իրեն։ Ֆրէնց առաջնակարգ նշանաձիգ մըն էր։ Ատենօք գաղափարութիւնն մաքսաննենգութիւն ըրած էր և իր հրազէնի հարուածը նոյնքան անվրէալ էր մեծ հեռաւորութենէ մը որքան մօտէն։ Իր սպաննութիւնները ծխնելոյզին բարձունքէն գործելու գաղափարը ունեցաւ։ Կը կարծէր թէ այս կերպով ընաւ երեւան պիտի չելլէր, որովհետեւ ո՛չ ոք կրնար մտքէ անցնել թէ այդքան անհեթեթ և այդքան վտանգաւոր տեղ մը կ'ընտրուի հրազէն պարպելու համար։

Ինչպէս տեսանք, քիչ մնաց որ իրաւունք ունենար։

Ինտըր օգտուելով Մր. Մարշալի մշտական հոգածութենէն՝ իր առողջութեան մասին, մզած էր զայն առաւօտեան պտոյտներ ընել իրեն հետ և Մէսընի ձեռքով սպաննել տուած էր ծերունին, արդէն պատմուած պարագաներու մէջ։

Այս առաջին ոճիրէն քանի մը օր ետքը նամակ մը կը ստանար Պօսթընցի իր հօրեղբայրէն, որ կը ծանուցանէր իր մօտալուտ ժամանումը ինկլուտ։ Իր առաջին ոճիրին յաջողութենէն համարձակութիւն առած, իսկոյն որոշեց միլիոնատէրն ալ սպաննել, անոր հարստութիւնը ժառանգելու համար։ Գրեց Ուիլելը Մթիուարթի որ առտուան կառա-

խումբով գայ եթէ կ'ուզէ ձիշդ ժամանակին հասնիլ իր կեանքը փրկելու համար։ Հօրեղբայրը հաւանեցաւ այս փափաքին և իր զլխովը վճարեց իր անարժան եղբօրորդիին հանդէպ ցոյց տուած յօժարամտութիւնը։

Յրէնց Մէսըն և ձէյսո կնորը Նաթ Փինքը թընի չնորհիւ ճանչցուած ըլլալով իրեւ հեղինակները այն ոճիրներուն, որոնց պատմութիւնը ըրինք, մահուան դատապարտուեցան և վճիռը գործադրուեցաւ։ Արդարութիւնը այստպէս կը պահանջէր։

ՎԵՐՋ


ՅԱԶՈՐԴ ԹՈՒՈՎ

ԿՆՈՉ ՎՐԵԺԸ



910

ՀՀ Ազգային գրադարան



NL1007227 7

ՀՀ Ազգային գրադարան



NL1007226 6

ՀՀ Ազգային գրադարան



NL1007225 5

ՀՀ Ազգային գրադարան



NL1007224 4

ՀՀ Ազգային գրադարան



NL1007223 3

ՀՀ Ազգային գրադարան



NL1007017 2

ՀՀ Ազգային գրադարան



NL0933053 1



NL1007238 18

ՀՀ Ազգային գրադարան



NL1007234 14

ՀՀ Ազգային գրադարան



NL1007233 13

ՀՀ Ազգային գրադարան



NL1007232 12

ՀՀ Ազգային գրադարան



NL1007231 11

ՀՀ Ազգային գրադարան



NL1007230 10

ՀՀ Ազգային գրադարան



NL1007229 9

ՀՀ Ազգային գրադարան



NL1007228 8



NL1007237 17



NL1007236 16



NL1007235 15



NL1007234



NL1007241 21



NL1007240 20



NL1007239 19

